

Pencak Sunda menangi gelaran juara Pesta Silat

19 SEP 1984

PERGURUAN Silat Pencak Sunda telah berjaya menggondol gelaran juara dalam Pesta Silat Nasional 1984, menewaskan sembilan kumpulan peserta yang lain.

Dengan kejayaan itu, kumpulan tersebut berjaya merebut piala Dr Haji Ya'acob Mohamed.

Pesta itu berlangsung selama dua malam — Sabtu dan Ahad lalu — di Dewan Badminton Singapura. Ia disertai oleh 113 peserta daripada 10 kumpulan perguruan silat.

Selain daripada Perguruan Silat Pencak Sunda, lain-lain kumpulan peserta ialah Perguruan Silat Alhak, Perguruan Silat Gayung Perwanit, Perguruan Silat Sipitung, Perguruan Silat Cekak.

Pengadil

Perguruan Silat Gestapis Panca Sakti, Perguruan Silat Setia Bakti, Perguruan Silat Pokolan, Perguruan Silat Sendeng Belalang dan Perguruan Silat Macan Pasrah.

Pertandingan itu diadili oleh tiga orang pengadil. Mereka terdiri daripada Penghulu Zakaria Mohammad dan Haji Sutin Abdul Rahman, kedua-duanya dari Persekutuan Silat Kebangsaan Malaysia (Pesaka) serta Encik A Rahim Dayan.

Encik Rahim, selain pengadil, juga menjadi pengerusi pertandingan dan timbalan presiden Persekutuan Silat Singapura (Persisi), penganjur pesta itu.

Mereka rebut

Piala

19 SEP 1984

Hj Ya'acob Mohamed

Dalam pesta tersebut, Perguruan Silat Pencak Sunda berjaya memenangi satu pingat emas, dua perak dan satu gangsa.

Kumpulan Alhak pula memenangi tiga emas; Perguruan Silat Gestapis Panca Sakti memenangi dua emas dan satu perak; Sipitung memenangi satu emas, satu perak dan satu gangsa dan Setia Bakti memenangi satu emas dan satu perak.

Kumpulan-kumpulan lain juga memenangi pingat kecuali Macan Pasrah.

Dalam pertandingan itu, sebanyak 10 acara dipertandingkan. Tetapi oleh kerana tidak terdapat sebarang penyertaan dalam dua bahagian, iaitu 'Tunas Srikandi' dan 'Tunas Pendekar', maka hanya lapan acara yang dipertandingkan.

Acara-acara itu ialah bahagian Solo Kanak-Kanak Perempuan; Srikandi Muda; Srikandi; Solo Kanak-Kanak Lelaki; Pendekar Muda; Pendekar; Bahagian terbuka dan Masal.

Dalam pesta tersebut, kumpulan Perguruan Silat Alhak telah mempersembahkan silat kebatinan sebagai acara selingan.